

纂喜堂詩稿
蜜梅花館詩錄



纂
喜
堂
詩
稿

陳壽祺
撰

中
華
書
局

叢書集成初編

纂喜堂詩稿（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

纂喜堂詩稿

此據滂喜齋叢書
本排印初編各叢
書僅有此本

山陰陳生壽祺字珊士。余丙辰分校禮闈所取士也。生爲人溫然粹然。好學不倦。尤擅詞賦。彬彬乎文苑之選也。乃以庶常改官刑部。遂習法家言。臂手錄讞牘。細書巨冊盈尺許。明慎折獄。克盡厥職。余權刑部時。生爲屬官。余甚嘉生有幹濟才矣。歲在辛酉。賊陷越州。生有母家居。聞報驚絕。急乞假歸。百計奉母以來京師。居五年。旣補官。且列上考。當得典郡。遭疾遽隕。不獲中壽。故交僚友。聞其卒也。咸零涕慨息。以爲天之厄斯人如是酷也。生疾革時。屬家事及遺稿於其友賈主政樹誠。周給諫星譽。賴友朋力。俾遺孤奉老母以歸。今年春。賈君及查君丙章。出遺稿屬余爲彙之。余旣悲生之遇。猶幸其文字僅有存者。略書生行誼出處具右。若工拙然否。當世知者自有定論。無俟贅焉。同治己巳春吳縣潘祖蔭。

纂喜堂詩稿

清 山陰陳壽祺珊士撰

庚戌

元旦微雨。午後放晴。渡揚子江喜賦。
蒲楓葉葉共雲裁。鐵甕城頭晚霽催。山帶斜陽淘浪去。人先明月渡江來。魚龍縹緲春聲雜。天地空濛倦眼開。第一東風莫輕負。水窗料理隔年杯。

京邸寒食枕上口占

幾日客窗無好句。匆匆人意負春情。牀頭鐙影夢初醒。簾外鳥聲天放晴。獨夜羈愁多根觸。故園節物正清明。朝來借問門前柳。綠到江南第幾程。

定武客館送陳畫卿同年歸下第南歸

楊柳蕭蕭動客愁。天涯送汝又殘秋。西風作意催離筵。落日無言下酒樓。一第功名飛箭目。半年鄉夢大刀頭。獸憐予亦同羈寂。心折歸雲萬里舟。

唧唧

唧唧足足秋蟲。明明滅滅秋鐙昏。風來藥院飛花影。月過苔階添雨痕。缺鐙吹火茗已冷。睡鴨撥灰香尚溫。商聲滿耳不可聽。手卷離騷深閉門。

閨思戲和詹且讀作周韻

鉤約釵盟半未眞。子雋聲裏又殘春。竹枝偏解儂心意。疊疊重重寫個人。

十月朔日得家書。秋大水淹及先世殯室。米碩值逾半萬錢。老母幼子。月無數炊。鐙下泣誦。拉雜寫

樂府若干章。以識哀慟。

兒居母腹。三日不育。忽聞呱呱聲。母幾死。兒始生。一解 兒生報祖父。祖父大歡喜。阿爺買香買肉。焚告天地。二解 兒小多病。長夜不寢。朔風獵獵。襁褓寒。抱在懷中肉一團。三解 兒生四歲。母氏見背。祖命爲大宗。後素衣拜慈母。四解 慈母何慈。保之抱之。保之他人勿知。五解 兒弗睡。抱兒起。母足穿。兒乃眠。母手枕兒母肩。凍兒未轉身。母不動。六解 狔狼九首。飛上天河。刀霍霍。劍峨峨。城震震。今悲聲多。祖父曰。嗟。寇深奈何。七解 哀哀我祖。目花耳聾。兩髯如雪。鬻孫勤斯甚。鬻子撫我鞠我數斗血。八解 壬寅五月十五。我祖客死。祖年六十。有九兒。年十四。九解 今日還故鄉。明日阿爺又喪。黃泉百日。兩喪摧斷心腸。十解 麻衣載濯。從先生學。膏火何有。出之母兩手。十一解 慮兒瘦。買肉補。夜來商買機中布。兒嫌肉不肥。阿母今日一粥猶未炊。十二解 東家借米。西家借酒。欲兒成人。爲兒娶婦。十三解 我婦來。我弟死。傷哉弟死。小宗誰嗣。榮榮孤兒。一身承兩祀。十四解 春日載熙。采芹泮池。人言早。我言遲。不嫌采芹遲。黃泉冥冥卹得。知十五解 香草薰薰兒又生。孫生孫喜。生孫愁。生孫又重親心憂。十六解 阿姊織黃妹織素。伴兒讀書堪夜作。妹始歸。姊又嫁。宛宛孤女。泣數行下。父兮母兮。新塋來拜。香火地下。可知者。十七解 徵車在門。招我以旌。

上堂告遠行。阿母烏邑不能成聲。執手潸潸。欲行復停。十八解居貧貧身。遠離離親。阿母無兒。早晚眠食。誰當心。十九解野屋悽悽。祖兮父兮。神魂所依。水高入屋。四樞側。萬里孤兒。心惻惻。二十解死者長已矣。生者如何。年荒歲祲。矮門風雪。饑寒多。二十一解白雲葩葩。下有兒家。兒家何有。夢中見阿母。二十二解庭有反哺鳥。啾啾向我前。我生不如鳥。對之心慘然。二十三解願蜚厥聲。揚親之名。移孝作忠。以慰親心。錦衣歸省春酒斟。南山之年壽吾親。二十四解

書寄陳晝卿書尾

欲歸還小住。杯酒許重斟。信宿分離後。相思直到今。大江流遠夢。小雅託哀音。記否中山夜。繩牀聽雨心。辛亥

脣且讀作周招飲。席間話故鄉風景。勞盍農乃逸。不勝莊烏越吟之感。作短歌解之。紅燭搖搖春酒香。欲飲不飲愁故鄉。勸君今日且歡喜。杯中卽是家鄉水。

正月十日偕周子珊石遊衆春園登熙然臺小憩

春至已十日。柴門病未開。素心得吾子。攜手共登臺。身賤輸長策。時平任廢材。斜陽無限意。都向眼中來。閒適

蕭齋閒閉無人到。茶臼香鑪次第安。睡起開簾翰春雨。野花紅上碧闌干。綠牡丹

翠幔茸茸護曉煙。燕支洗盡更新鮮。本來春色歸青帝。合有名花配綠天。濃露承恩揮翰日。東風及第染衣年。碧城縹緲神僊宅。十二樓臺更可憐。

玉佩金盤寵異頻。綠衣換得拜恩新。雕欄翡翠疑無色。淺水燕支總隔塵。聞道神仙居碧落。由來富貴屬青春。移根金谷如相傍。第一花枝稱美人。

壬子

春日安肅道中

堤上濛濛吹白沙。鞭絲影裏夕陽斜。飛花十里官栽柳。孤磬一聲僧賣茶。高塢小風傳鳥語。到門流水識人家。百錢沽酒不成醉。茆店疏燈聽琵琶。

方順橋

驅車方順橋。勞勞酌村酒。歲暮百草零。荒寒入高柳。有妓來我前。舉動頗不醜。自言博平女。父爲弓弩工。猶記海氛惡。負羽三江口。一去不復歸。未識存與否。有弟纔六歲。飢寒死道右。非無舊親串。德色吝箕帚。性命且不存。名節復何有。十二入倡家。今年已十九。回頭指小妹。幼聘爲弟婦。前年歲大荒。黍稷爲糲莩。縣官急索租。賣女償箕斗。妹幼不善歌。鞭扑痛膚受。昨夜大悲號。血痕猶在肘。女言淒未終。阿母促之走。言有吏到門。耽耽坐相守。沿例索年規。撈括到鷄狗。室無隔宿糧。迫切竟何取。得錢逕歸家。易酒爲吏壽。

新婚別

庭柯無獨枝。棲鳥有良匹。人生天地間。對面忽成別。昨日爲君婦。一言羞未接。今日君遠行。送君不能泣。君行烽火中。生死難預必。妾幼不識途。望君空戚戚。但祝君平安。無憂妾存歿。存爲古井水。歿化山頭石。山水有相逢。助君南擊賊。

喜得家書口占長句

又是山城半載過。客中是處寄吟窩。人如明月圓時少。友似東風散處多。一第難難負燈火。十年貧賤託詩歌。家書乍報高堂健。今日春暉喜若何。

漫興

剝啄從無客到門。深深幽草長春痕。文場屢誤新花樣。書味仍咀舊菜根。燈下敲棋花落子。雨餘掃石竹生孫。人間卽此堪高隱。何必桃源別有村。

書上周氏姊聖蘭箋後

阿姊家居最憐我。暫時分手亦酸心。扁舟吹過大江水。天末獨聽哀鴈音。誤嫁已攔腸百斷。別來贏得信千金。無多骨肉須珍重。愁思年來各自深。

病中吟

憂患攻一心。勞苦藥百咎。每聞作客難。往往無老壽。自我來定州。依人事餬口。悠悠六百日。臥病常八九。抄方罄虛鵠。乞藥寶黃枸。鬼伯赦腐儒。轉輾死不朽。熱如火焚身。冷若水置肘。日重夜更劇。氣逆時作歐。

脾虛瀉泄多。捧腹下牀走。屋旋地欲轉。身前足反後。時常秋氣嚴。寒聲栗窗牖。尖風入病骨。血脈若刀剖。眼花鐙不明。膽怯月更黝。宿草嘯妖狐。枯星駭兇狗。變怪爭昧瞢。陰森溢鳴吼。驚疑生各無。魂夢幻諸有。仿佛到家鄉。歡喜拜老母。似憐羸病軀。摩撫不絕手。語兒今何如。問兒昔安否。母言悽未終。回頭見我婦。蕉萃猶昔年。酸心到蠹臼。嗤嗤兩兒子。牽衣弄姿首。無端忽驚覺。枯鐙臥相守。可憐疾苦身。猶是髮膚受。昊天不可思。何心自踟踌。人生老鄉里。此意古所厚。何時掉頭歸。長歌揖鄰叟。芬芬南山笱。灑灑東浦酒。農事亦可欣。良苗歲常取。上有甘與旨。下有草與糗。幾拙終餘年。力田不吾負。

癸丑

元日喜晴策馬定武東郊口占長句。

軟軟香泥款款程。東風暖入馬蹄輕。自憐獨客頻年夢。難得新春一日晴。烟外帘痕明野店。柳邊鐙影畫山城。阮囊賸有新詩句。排日清遊趁太平。

野步偶興

足迹不到處。野花高過人。年年二三月。紅白自成春。

留別唐元甫

邇蒼天涯締古歡。名梓書卷共盤桓。黃華秋圃交情澹。紅豆春風別夢闌。令子如君傳業易。老親似我久遊難。明朝咫尺人千里。雙鯉殷勤且勸餐。

春晚新霽卽事

排日商量酒一杯。殘春隨意入詩裁。斷雲將雨溪邊去。斜日銜山竹裏來。欲墮蛛絲綠草上。習飛燕子帶花回。小窗久慣垂簾坐。爲愛新晴特地開。

六月二十日薛春暉奎招飲席間出扇索詩成二十韻贈之

春暉古奇士。幽居松林邨。綠杉夾野屋。讀書深閉門。我時年十六。請業經畚軒。君亦執摯來。同術誼倍敦。前年遊京國。別君聲暗吞。舊雨而今雨。黯黯銷陰魂。所交在肺腑。筆札何能宣。迢迢隔千里。落落無一言。今年夏五月。捐櫟歸故園。招我遊梅山。載訪詩人孫。風伯狂不戢。舟如孤鳥蹇。咫尺不可到。江水流潺湲。翌日天氣清。買舟乘朝暾。縱談不知久。白日忽已昏。翦以西臆燭。飲之東閣尊。感君意氣厚。醉飽何足論。出簾屬題句。雪泥留鴻痕。吳紵畫渭南。趙絲繡平原。走筆成此詩。持贈懸璵璠。奉揚非所譽。聊以誌弗諼。

雨後野步

晚烟吹不起。山月淡平曠。樹影碧於洗。灑然生遠秋。溼雲扶斷壁。瘳石闔寒流。借問田居樂。江郎擬得不。

山行

一逕入雲去。冷然忘俗情。好山迎而起。幽響拂衣生。苔跡自今古。松聲變雨晴。歸途還小立。谿外看春暉。

長夏卽景

長夏園林無個事。宵來清興幾人同。蕉衫乍翦紋猶翠。藤枕新成色未紅。科斗煖宜荷葉雨。狸奴涼趁豆

花風消閒。攜得新詩本。定有清陰入夢中。

新秋小病。偶得長句。卽寄陳午亭同年京邸。

孤館宵涼。月上遲。一鐙如豆。剔殘脂。琴心瘳漏。先秋碎。病骨支離。怕影知。貧慣轉無餘。酒券愁多。翻得賞花詩。東方騎上青雲客。可有魚緘慰所思。

入秋酷暑。七月十四日晚。風月甚清。遂有涼意。徙倚池邊。得七律一章。

讀到南華第幾章。一泓秋水碧纖長。肩擔花影不知重。身抱月華微有涼。琴意商量白翎雀。詩心料理紫荷裳。閒庭別有閒情處。蝴蝶花開底樣香。

冬莫偕沈珥臧秀才遊護國。遂登式亭選茗。

名園絕塵籟。登眺拓松關。人意淡何許。白雲空自還。梅花瘳春影。詩句落寒山。覓路且歸去。夕陽如此殷。

小鳳行

東家小鳳年十七。丫髻惺忪向郎立。婢非婢。妾非妾。謂兒有郎。郎不見。接謂兒無郎。日侍郎側。柔木娉娉。風所折。小女宛宛。人所嫉。移兒白玉牀。傾兒黃金箱。破涕爲笑迎新娘。新人醉未起。舊人於邑摧心腸。衆口所指無疾而死。叩頭別主人。執手潸潸不能成聲。不怨大婦。不怨小婦。兒至黃泉侍父母。乞得嬾婉爲郎後。

甲寅

山齋

聽我吟山齋。山齋白雲曲。楊柳到門深。林檎暎欄熟。開窗紫射干。夾藏黃石竹。牆藤勢崛拔。逕蘚香歷碌。簾額生晚紅。琴心上秋綠。茶鑪近水安。酒甕傍花漉。佳興或與同。高眠不妨獨。冷泉出山。欣欣鳥投木。萬物如有營。吾生究何屬。神仙紫瓊府。富貴青金錄。飛昇羨鷄犬。炫赫訝童僕。生死幻有無。福禍互倚伏。變態出千百。誰能折其獄。憶昔長安遊。歡譏共徵逐。駝街扶醉過。鶴市抱香宿。歌臺翡翠茵。舞帳鴛鴦褥。屏山倒金盞。鏡檻轉銀燭。勝會來不常。芳韶去難續。依人百事賤。下第一身辱。囊空鼠欲驕。衣縐狗爭噉。飄零感身世。離亂念邦族。春夢脫塵韉。秋風理歸軸。是時兵氣囂。軍書日飛告。裘裘若爲謀。炎炎不可撲。薊北頻斷魂。江南徒極目。形勝變主客。憂患中心腹。得地賊益驕。走險兵更疊。流亡鳥雀散。繁累牛馬結。此讎遍老穉。艱難半殤殢。腐骨生荒苔。飢軀飽飛鏃。民命亦可憐。造物竟何酷。我從賊壘過。匹馬空蹕蹕。跼跼站水中。鳬蜩蠅桑下。燭月黑無人行。天荒聞鬼哭。浩劫悲沙蟲。餘生貸虺蜮。去城一千里。驚魂猶殷棘。歸家拜老母。開軒而芳麓。山妻汲井華。稚子摘園蔬。書翻蟬粉新。簾卷燕泥馥。行行語瓜豆。依依問松菊。種魚量昔租。養鶴料今祿。泉石尋古歡。菱荷試初服。山中人事寂。天上流光速。更番事詩酒。兩度秀壺萸。似聞淮徐間。狂寇尙魚肉。我朝二百年。深仁浹華俗。列聖承丕基。萬類同一育。今皇嗣大寶。美政不勝錄。錫租憫困窮。赦罪念刑戮。兢兢勵宵旰。翼翼勗臣牧。民生豈無良。何心負轉覆。叶氣機倘可轉。邪治不難。復浮雲淨寰海。丹霞麗朝旭。元黃實筐篚。刀劍化牛犢。衆志堅比金。皇猷美如玉。懷柔訖遐徼。歡嬉到比。

屋山齋春晝長。優游百事足。閒閒爛鈍身。藹藹昇平福。載歌舊日詩。一飽新田穀。

春暮意行近郊偶賦

春深邨落柳絲風。彥策寬鞭一笑中。田水倒涵山影綠。野花亂插竹籬紅。貓頭笋賤連泥賣。雀舌茶新帶雨烘。借得雲門供小隱。年來興趣幾人同。

美人背立圖

人面春風省識難。桃花深處背朱闌。待儂補畫紅芙鏡。寄語人從鏡裏看。

新秋雨後意趣甚佳。偶得長句。

三點兩點疎雨鳴。一葉半葉梧桐聲。太空忽洗溽暑淨。詩筆不覺秋意生。茶烹小鼎火愈活。夢來清簟涼有情。會當攜舟藕花去。碧筒沽酒香自傾。

記夢

倒吸天乳玻璃杯。頽然一醉真豪哉。青芙帶月王妃笑。白雪墮水梅花開。手控赤鯉踏銀海。身騎紫鳳來金臺。鎗香縹緲羣仙下。金旗翠葆胡裘哀。

大寒後一日。偕孫子九孩。周素人顯孫。叔雲星。書昆季。雪鵬光祖。王平子星誠。句生星翰。昆季。寄雲上人。同宿傳鐙寺。限昌黎山石均。

千峯偃仄光景微。凍雲奪路低不飛。夕陽忽斷見古寺。陰陽開闢山身肥。新朝盛事未寂寞。入門松梵言。

依稀竹廚飯熟共一飽。攜句笑醺梅花飢。須臾纖月挂花角。寒星三兩明林扉。夜深忽覺詩意遠。妙語直欲窮煙霏。此時玄情了無著。茶香漠漠散四圍。一燈掃榻共僧臥。薄寒擬借菩薩衣。空欄葉落睡猿醒。今夜有夢無塵鞿。天明攜友踏澗去。泉水在山人自歸。

飯後由傳鐙寺步歸平水村限大字

飯罷出招提。遊興頗不惰。小童導我前。梅花一肩馱。山色如人幽。天然絕雕作。白雲不自貴。亂插竹千个。愛石踏寒澗。芒屨亦不涴。枯藤絡危壁。飛鳥不能過。科頭踞其巔。欲下意轉懦。歸途詫奇景。不避北風大。

劉張二孺人雙節吟

婦節一已奇。造物竟兩之。守貞全吾爲。榮辱非所知。士林高議持。鯁鯁同行屍。載吟雙節詩。何必須眉兒。

乙卯

客有詢平水春事之勝者。長句答之。

筍莊魚滷儘堪誇。二月東風滿若耶。過雨湖光明蕎麥。轉谿山影在桃花。游蹤小棹鵝兒酒。春事閒門燕子茶。詩尾朝來添小印。頭銜新署釣人家。

曉起櫂舟由雙溪至平水。沿堤落花甚多。有鴛鴦飛鳴水上。戲賦一絕。

濛濛春霧繞衣香。黯黯殘紅蘸水涼。羨煞雙溪江畔樹。落花猶自覆鴛鴦。

春晚山館病起口占

暮。翳春寒生帳紋。鵲爐煙盡氣猶熏。落花委地厚三尺。敗絮蒙頭重十斤。脂藥碎和蟬粉裹。亂書香帶燕泥分。病中得句無人解。負手閒塔看夕曛。

揚州女兒曲

揚州女兒花樣嬌。櫻桃風細吹碧簫。偷隨阿母學梳裹。閒捉飛花過柳橋。小門風月春無幾。丫髻玲瓏作人婢。一舸春波墮淚中。十年人意添香裏。燕子東風翠被寒。相思老大阿誰憐。紅綃舊恨團團月。碧玉新愁慍慍天。丁香容易同心結。歡喜燈花照顏色。料得長情扇共圓。誰知花放春猶勒。花勒春寒意未灰。半年消息費疑猜。郎情已卜黃金合。妾夢還虛玉鏡臺。無端爭說新人美。此際誰憐舊人淚。寂寞空閨臥玉顏。流鶯無語花憔悴。憔悴朝來亦自羞。殘紅默默怕登樓。昨日玉郎簾底坐。桃花香裏看梳頭。今朝昨日時無幾。樓上何人紅袖倚。倚樓不是舊時人。攪碎新愁春雨裏。舊人當日亦新人。叩叩香囊漬淚痕。薄命已攔同落絮。癡情猶願化朝雲。朝雲暮雨春江碧。流盡迴潮痕未滅。相思無語搗燕支。一點鴛鴦可憐血。春晚卽景。用中表李越縵太常慈銘均。

明妃出塞圖

睡起靜無事。茶香分外清。雨餘飛燕重。風定落花輕。草木有新意。軒窗愛晚晴。欣欣無可說。相對一忘情。

論印圖爲沈寄凡叻題

錦幘明璫出漢關。白雲回首失陰山。他年居次重歸漢。可有魂隨愛女還。